

BOKN BYGDEBLAD

NR. 6 - JUNI/JULI 1988 ARG. 3


UTGJEVAR: BOKN KULTURKONTOR

KARMØY VIL HA DIR- EKTE VEGSAMBAND TIL BOKN

Teknisk rådmann i Karmøy, Hans Foll-
dal, orienterte den 8. juni Bokn for-
mannskap om Karmøy kommune sine pla-
nar om aktuelle alternativ for å
knyta Karmøy til den nye Kyststam-
vegen over Bokn. Fleire av alterna-
tiva har direkte konsekvenser for
arealplanlegginga i Bokn kommune.

Konklusjonen for formannskapet var
at planane om å knyta Karmøy til den
nye Kyststamvegen også er av stor
interesse for Bokn kommune, og Bokn
kommune ynskjer å kunna ha observa-
tørstatus i det kommunalt oppnemnde
utvalet i Karmøy som arbeider med
saka.

Kartet viser fleire alternative
løysingar for tilknytning til den →
nye Kyststamvegen frå Karmøy.



KOMMUNEPLANEN

Bokn mot år 2000

Bokn kommune planlegg nå utviklinga fram mot år 2000. Planarbeidet har til nå omfatta den langsiktige delen som omhandlar:


1. Folketalesutvikling og bustadbygging.
2. Næringsutvikling og sysselsettjing.
3. Busetningsmønster.
4. Senterutvikling/Utbyggingsområde.
5. Naturressurser.

Ein vil nå starta opp med arealdelen av kommuneplanen. I første omgang vil ein utarbeida kommunedelpplan for dei næraste areala som ligg til den nye riksveitraseen mellom Are-Alvestadkroken og Øyren på Austre Bokn.

Det vil også gå ut brev til grunneigarar, statlege og fylkeskommunale etatar om at arbeidet med kommuneplanen (arealdelen) er starta opp.

Kommunen ynskjer at lag, organisasjonar og privatpersonar kjem med framlegg om kva kommunen bør ta opp i dette planarbeidet. Ta gjerne kontakt med rådmannen eller kommuneingeniøren innan 1. august 1988.


Etter kvart som andre emner i kommuneplanen blir tatt opp, vil det bli annonsert - og berørte partar vil bli kontakta spesielt.



BRUENE I BOKN BLIR DYRARE ENN FORVENTA

Det er nå opplyst at Ognasund bru og Boknasund bru vil bli i underkant av 20 mill.kr.dyrare enn budsjettert.

Dette vil seia at heile Bokn-sambandet nå er kome opp i ein pris av 220 mill. kroner.



KULTURMIDLAR 1988

Desse organisasjonane har fått kulturmidlar for 1988:

Oppstartingsstilskot:

Bokn Veteran Motorsykkelklubb, kr. 1.700,-.

Driftsstønad:

Austre Bokn bedehus, kr. 833,-.
Hognaland bedehus, kr. 833,-.
Bedehusfor. i Kyrkjebyggd, kr. 833,-.

Grunnstønad:

Bokn skulekorps, kr. 23.000,-. Bokn Brass, kr. 14.310,-. Bokn idrettslag kr. 20.000,-. Diskoteket, kr. 2.150,-. Petra, kr. 2.350,-. Lava, kr. 1.960,-. Bokn Yngres, kr. 2.250,-. Kyrkjebyggd søndagsskule, kr. 1.000,-. Hognaland søndagsskule, kr. 500,-. Austre Bokn søndagsskule, kr. 800,-. Austre Bokn jente/gutteklubb, kr. 1.740,-. Barnefor. "Havdur", kr. 1.610,-. Hognaland barnefor., kr. 1.530,-. Bokn hagelag, kr. 2.000,-. Bokn vevstove, kr. 1.700,-. Bokn pensjonistforening, kr. 2.600,-. Bokn skyttarlag, kr. 2.050,-. Kyrkjetonar, kr. 750,-.

OPP TIL OSS SELV.

Vi må gjøre noe ut av livet selv. Om vi er lykkelige eller ikke, er en smakssak, men det er opp til oss. Vi får ikke lykken på pensjon eller trygd. Det gjelder å la seg bruke, eller ta seg i bruk for å utvikle seg, og å være et ledd i en større sammenheng. Man har ikke krav på å ha det godt før man har bidratt til at det kan være mulig både for seg selv og andre. Ellers snyter man bare. Man må være med og yte sin skjerv.

Professor Kåre Rodahl
til VI OVER 60

Meir kultur for BUK-kommunane?

Fylkeskulturstyret gjorde den 15. juni 1988 i sak 113/88 slikt vedtak:

- Fylkeskulturstyret vil be fylkeskultursjefen å ta et initiativ overfor BUK-kommunene ang. å få fram tiltak som kan bidra til å øke de kulturelle tiltakene i disse kommunene. -

Forslaget, som vart samrøystes vedtatt, var fremma av Torbjørn Rasmussen frå Utsira. BUK-kommunane er som kjent Bokn, Utsira og Kvitsøy.

Fylkeskultursjef Roald Håland seier til Bokn Bygdeblad at forslaget inneber at ein i første omgang vil arrangera eit møte med BUK-kommunane der ein vil informera om dei ulike stønadsordningane som finns innan kultursektoren

HURTIGBÅTTERMINAL PÅ ARE

Det har nyleg vore møte mellom Bokn kommune, DSD, Samferdselskontoret i Rogaland, Vegkontoret og Haugaland Billag, om å flytta hurtigbåtterminalen i Bokn til Are i 1990 når det nye ferjeleiet vert tatt i bruk.

Det var positiv tilslutning til forslaget, og saka vil gå vidare med tanke på å få tilslutning til denne ideen.

IMPONERANDE BOKNAFESTIVAL

Boknafestivalen gjekk av stabelen
sundag den 6.juni.

Mykje publikum fekk oppleva ein
fin dag. Det er ikkje få timar med
øving og førebuingar som ligg bak
eit stor-arrangement som Boknafest-
ivalen. For det første har ein øv-
ingane for generelt å oppnå eit
godt musikalsk nivå i kor, korps og
hos dei andre utøvarane. Så skal det
øvast inn program for dei ulike
kora og korpsa spesielt for denne
dagen.

I tillegg kjem sjølve den praktiske
førebuinga og gjennomføringa av ar-
rangementet som omfattar alt frå å
vera annonsekonsulent og få inn kr.
20.000,- i annonseinntekter, trykk-
ing av festivalprogram, opplaging av
mat osv., osv. Berre dei som har vore
med på slike og liknande arrange-
ment veit kva arbeid som ligg bak.

Utan at medlemmer i Bokn Brass og
Bokn skulekorps med foreldre hadde
stilt opp, kunne ein ikkje gjennom-
ført dette arrangementet.

Det har vore så brei omtale av arr-
angementet i dagspressa, at ein her
ikkje vil gå meir inn på dette, men
berre understreka at den musikalske
breidd og kvalitet har nådd eit im-
ponerende nivå som Jardar må ha ein
stor del av æra for.

Boknafestivalen har stor PR-verdi
for kommunen.

Det viser kva kultur kan gi, ikkje
minst av verdiar som ikkje kan mål-
ast i pengar.

Når Boknafestivalen i tillegg kan
skilta med eit overskot på bortimot
kr.30.000,- er dette fortent til
Bokn Brass og Bokn skulekorps som
deler dette beløpet med kr.15.000,-
på kvar.

Kr.20.000,- av fortienesta var annon-
seinntekter.

BADEPLASS FOR ALLE

Friluftsnemnda vil ha badeplass
i Alvestad-området.

Bokn friluftsnemnd har søkt formann-
skapet om raskt å behandla ein sak
om offentleg badestrand på kommunen
sin eigedom ved det gamle grustaket.

Bakgrunnen for søknaden er at mange
i lengre tid har etterlyst ei strand
ikkje for langt frå bustadområda som
kan brukast av alle. Denne staden
ligg høveleg til mellom Alvestad og
Føresvik.

Det skulle ikkje så mykje til for å
få stranda brukbar alt i år.

Vedtaket i formannskapet sa at Bokn
formannskap ikkje finn å kunna hand-
sama forespørsler frå friluftsnemnda
om å laga badeplass på kommunen sin
eigedom nå, men at ein vil vurdera
dette i samanheng med arealdelen i
kommuneplanen.

Skal alt nå stå stille inntil kommu-
neplanen er endeleg vedtatt av kom-
munestyret?

FORSLAG TIL REGUL- LERINGSPLAN FOR HYTTER PÅ DEL AV GNR.17,BNR.1.

Bokn kommunestyre vedtok den 14.juni å godkjenna forslag til reguleringsplan for gnr.17, bnr.1.

Dette vil seia at det blir regulert inn 4 hytter på dette området på Hognaland.

Kommunestyret var på førehand på befaring i området, og i kommunestyret var det dei som meinte at området heller burde regulerast til bustadområde.

Saka har versert fleire år i ulike etatar, og fleirtalet meinte at søkj-arane burde hatt signal tidlegare dersom ein ville bruka området til bustadområde.

Avrøystinga viste at eit fleirtal på 14 mot 3 gjekk inn for at det skal regulerast til hytter.

BOKN HAGELAG

Ved loddsalet på festen 17.mai kom det inn 1.700 kroner.

I eit styremøte i Bokn Hagelag i slutten av mai blei det bestemt at det skulle gå til innkjøp av blomsterkassar og planter til sjukeheimen. Blomsterkassane er no overlevert og me håper dei kan vera til glede for mange.

Bokn Hagelag hadde måndag 13.juni dugnad ved Boknatun. Det var 210 planter og buskar som blei sette ned.

Styret i Bokn Hagelag

HEIMEHJELP ELLER HUSMORVIKAR NÅR DOKUMENTERT BEHOV IKKJE ER TIL STADES


Det kan leigast heimehjelp eller husmorvikar sjøl om dokumentert behov ikkje er til stades. Forutsetninga er at dette ikkje går ut over den normale drifta, og at ein betalar full pris slik at det ikkje medfører utgifter for kommunen.

1.507 KR. TIL AMNESTY

3.klasse ved Bokn skule har hatt utlodning til inntekt for Amnesty International. Me laga gevinstar sjølve, og fekk gevinstar heime. Me solgte lodd på handelslaget og på skulen. Til saman fekk me inn over 1.500 kroner!


TUSEN TAKK TIL ALLE SOM TOK LODD!

Helsing 3.klasse




RUTEBILENE I ROGALAND

VESTRE BOKN
I tidsrommet 20.juni - 17.august 1988 kan reisende som har transportbehov på vestre Bokn bestille drosje mot betaling av bussbillett.
Bestilling dagen i forveien.
Tlf. 04 748554



HAUGALAND BILLAG 1/5



OPNINGSTIDER:

TYS DAG: 16⁰⁰ - 19⁰⁰

TORS DAG: 10⁰⁰ - 13⁰⁰

TLF: 748500

* LESETIPS FOR JULI:


NYE

bøker for barn:


- * Brekstad, Kolbjörn:
Larm. Roman. 1987.
- * Lunde, Gunnar:
Istid. Roman. 1988.
- * Thorup, Kirsten:
Den ytterste grense. 1988.
- * Rud, Nils Johan:
Det har ventet på deg. 1987.
- * Schenkmanis, Ingalill:
Cappelens kortspillbok. 1987.
- * Geniets Röde spørrebok. 1987.
- * Werner, Eva E.:
På skattejakt i Norge. 1987.
Rykter og sagn om skjulte skatter.


- * Viermyr, Marianne:
Anne opp og Anne ned. 1987.
- * Börve, Isolde:
Jadwiga. 1987
- * Næss, Atle:
Grei kamerat, Hans. 1987.
- * Osland, Erna:
Natterammen. 1987.
- * Sandsdalen, Guro:
Asle og Frida. 1987.
- * Goscinnny, Rene:
Asterix: Spåmannen. 1987.


DET ER BEDRE
MED EN BOK
I HÅNDEN...



ENN TI BOKER
I HYLLEN

SOMMAR I BIBLIOTEKET: 

- * JULI: STENGT p.g.a. ferie. 
- * AUGUST: Vanlege opningstider
frå 2.august.

 GOD FERIE TIL ALLE BOKVENER!

KONTANTLØSE TRYGDEKONTOR

Trygdekontorene i BOKN, HAUGESUND, KARMOY, TYSVÆR, UTSIRA og VINDAFJORD vil fra 1.JULI 1988 overføre alle utbetalinger over bank-/postgiro.

Vi gjør dette for å få anledning til å yte enda bedre service. Vi vil forsøke å korte ned saksbehandlingstiden på pensjonsaker. Vi ønsker også å satse mer på å gi en bedre informasjon om trygderettigheter.

Krav om refusjon for utgifter som folketrygden skal betale, sendes til trygdekontoret og refusjonsbeløpet blir tilbakesendt.

Vi ønsker fortsatt publikum velkommen til trygdekontoret og vi håper nå å få bedre tid til å diskutere din sak. Bestill gjerne tid på forhånd, også utenom vanlig åpningstid som er fra kl.08.30 til kl.14.00.

Med hilsen



*Jeg er
enestående!*

Anti-JANTELOVEN

- § 1 Husk at du er enestående
- § 2 din verdi kan ingen annen måle
- § 3 du har tilstrekkelig med vett
- § 4 du har noe som andre ikke har
- § 5 du har innsikt og erfaringer som andre ikke har
- § 6 du har mye du har grunn til å være stolt over
- § 7 du duger til noe
- § 8 du har evne til å tolerere andre
- § 9 det er noen som bryr seg om deg
- § 10 du vet og kan noe som du kan lære andre

Det er førsteamanuensis Erling Førland ved Statens lærerhøgskole i forming, som har utformet Anti-Janteloven. Personlighetsutvikling er hans spesielle pedagogiske virkefelt, og i kurser for lærere tar han ofte utgangspunkt i Aksel Sandmoses vel kjente og siterte Jantelov. Den går i korthet ut på at man ikke skal innbille seg at man er noe i forhold til omgivelsene: *Du skal ikke tro at du er noe.*

FRILUFTSINTERESSENE

UTBETRING AV FYLKESVEG 891 MELLOM FØRESVIK OG KNARHOLMEN

Bokn formannskap har i møte den 31. mai gjort vedtak om å be Vegsjefen utarbeida ein utbetringsplan for fylkesveg 891 mellom Knarholmvegen og Føresvik. Formannskapet meiner at parsellen må utvidast til ein tofelts veg med eigen gang/sykkelveg. Utbetring av parsellen må vera slutført innan åpninga av den nye riksvegen gjennom Bokn, altså innan 1. juni 1990.

Elles gjer formannskapet Vegsjefen merksam på den dårlege standard det er på dei fylkeskommunale vegane i Bokn, og ber om at det blir utarbeidd ein plan for etappevis utbetring av vegnettet generelt i Bokn kommune.

KYRKJESKYSSEN HELD FRAM

Bokn kommunestyre vedtok i møte den 14. juni at kyrkjeskysen skal halda fram slik som tidlegare.

Det betyr ei subsidiering frå kommunen på ca. kr. 3.000,- pr. år.

FRÅDELING AV INDUSTRITOMT VED KNARHOLMEN

Bokn formannskap fatta den 17. mars vedtak om å tildela Harald Nygård ei industritomt på ca. 3000 m² ved Knarholmen til mekanisk verksemd.

Bygningsrådet gjorde den 10. mai vedtak om at tomta får enkeltavkjørsel til Knarholmvegen.

Torsdag, 2. juni, arrangerte friluftsnemnda i Bokn eit møte om friluftssinteressene i den nye kommuneplanen.

Det var godt frammøte og leiaren i Nord-Rogaland og Sunnhordl. friluftsråd Morten Dåsnes orienterte om Nord-Rog. og Sunnhordl. friluftsråd sitt arbeid og kva hjelp me eventuelt kunne få frå Nord-R. og Sunnhordl. friluftsråd.

På møte kom det fram ulike ønskjer: tursti i området nord for Boknafjellet, eventuelt i samarbeid med idrettslaget å få laga eit turorienteringskart. Det var sterkt ønskje om å få med dette i arealdelen av kommuneplanen.

Mange sakna ein god og lett tilgjengelig badeplass for Føresvik/Alvestadområdet. Kommunen sitt område ved grustaket blei nemnd.

Deltakarane på møtet bad friluftsnemnda om å senda ein søknad til formannskapet om dette.

Friluftsnemnda er godt nøgd med den responsen det var på møtet. Deltakarane ga uttrykk for at arbeidet for friluftssinteressene måtte bli fylgt opp.

Sigrunn Hole Hosaas



UTVIDING AV KONSE- SJON FOR TO SMOLT- ANLEGG I BOKN

Bokn kommunestyre vedtok den 3.mai å tilrå at både Øvrebø Fiskeoppdrett A/S og Bokn Settefisk A/S får utvida sine konsesjonar med respektive 100.000 til 200.000 sjødyktig settefisk pr. år og 100.000 til 200.000 smolt pr. år.

Kommunestyret seier i vedtaket at søknadene ikkje er i konflikt med kommunale planer, og at forureining i dei aktuelle områda må begrenast mest muleg.

Kommunestyret hadde som pkt. 3 i

vedtaket som gjeld Øvrebø Fiskeoppdrett A/S denne passus:

- Eventuelle privatrettslege forhold vedk. vassrettane bør vera avklart før tillatelse gis.

Kommunestyret viser til festekontraktens pkt.2, som omhandlar vassrettar i Gunnarstadvatnet, samt til skriv frå øvrige grunneigarar til vatnet, dagsett 8.11.83.

Kommunen forutset at Øvrebø Fiskeoppdrett A/S må koma fram til ein avtale med dei berørte grunneigarane vedr. vassrettar før oppdrettsanlegget vert påbyrja. -

Dette siste pkt. vart vedteke med 8 mot 8 røyster, og ordføraren si dobbeltrøyst avgjorde at pkt. 3 vart vedteke.

KOM SÅ BYGGER VI



Se vår huskatalog

70 SIDER MED HUS
OG INFORMASJON!

Kontakt vårt kontor -
kom gjerne innom -
så får du se tegninger
på det huset du vil ha.

HØY STANDARD • GUNSTIGE PRISER

VI HAR KONTOR PÅ BOKN (GAMLE SR-BANKSLOKALER)

FAST
KONTORTID:

MAND. 10⁰⁰-14⁰⁰-17⁰⁰-19⁰⁰
FRED. 10⁰⁰-14⁰⁰-15³⁰-17³⁰

KONTAKT SOLVEIG GUNDERSEN
FOR AVTALER: TLF. 748501



UTVIK A/S

TRELAST- OG BYGGEFORRETNING
4262 AVALDSNES - TLF 04-843111

STORT FLEIRTAL I KOMMUNESTYRET MOT OPPDRETTSANLEGG I FLØSUND-OMRADET

Bokn kommunestyre gjorde den 14. juni vedtak om at ein ikkje vil tilrå at det vert gitt konsesjon for etablering av oppdrettsanlegg ved Fløsund nå, og at ei bruksmessig avklaring av områda skal skje gjennom komande kystsoneplanen.

Vedtaket vart gjort mot ei røyst (Svein Ove Alvestad).


Bokn kommune har også i kommuneplanframlegget 1981 - 1992 vedtatt at Fløsund bør sikrast som regionalt bade- og båtutfartsområde.

Tidlegare vedtak frå den kommunale friluftsnemnda og fylkesfriluftsnemnda viser også at det er interessekonflikt mellom oppdretts- og friluftssinteresser i dette området.

I kommunestyredebatten sa Svein Ove Alvestad at friluftssinteressene hadde fått sine interesser dekkja i denne delen av kommunen ved at eit område ved Ognahavn var avsett til friluftsområde.

Finn Kro sa at han i utgangspunktet var positiv til nyetableringar, men at han stilte seg spørjande til om dette grunne området var eigna til oppdrettsanlegg.

Det var fleire som sa dei hadde endra syn i denne saka etter kvart som ho vart behandla. Dei såg nå at området i praksis ikkje ville bli brukt til friluftsføremål dersom det kom oppdrettsanlegg.



HJARTE/KAR UNDER- SØKING I BOKN.

Alle mellom 15 - 70 år blir truleg
undersøkt i haust.

Til hausten har alle kommunane i Rogaland tilbod om ein hjarte/kar undersøking av alle personar mellom 40-42 år. To kommunar, nemleg Bokn og Utsira, får truleg ei utvida undersøking. Her vil alle mellom 15-70 år bli innkalla til undersøking.

Undersøkinga går ut på at blodtrykket vert målt, pluss at det vert tatt ein blodprøve for å undersøkje kolesterolinnhaldet i blodet. Elles blir det høgde og vektkontroll.

Ein skal også fylla ut eit skjema om kostvanar, røyking og mosjon. Dette

blir utsendt med innkallinga.

Ut av dette set ekspertane saman ein risiko-profil som gir kvar person eit risiko-tal.

Dei som får høge risiko-tal vil få tilbod om oppfylgging som går ut på individuell rådgjeving og/eller behandling for å få ned risikoen.

Det er Statens helseundersøkelse i samband med Fylkeslegen som står for opplegget i lag med helsetenesta i kommunane. Undersøkinga vil foregå i første del av november 1988.

ENDRING AV STILLING FRÅ LEIAR AV HOV- EDBIBLIOTEK TIL BIBLIOTEKSJEF.

Formannskapet handsama i møte den 29. april endring av stillinga som leiar av hovedbibliotek til biblioteksjef.

Endringa av stillinga følgjer direkte av lov om folkebibliotek, § 5, der det heiter at alle kommunar skal ha fagutdanna biblioteksjef. Krav til utdanning gjeld berre ved utlysing av ledig stilling som biblioteksjef. Stillinga som biblioteksjef er unormert, dvs. at det frå sentralt hald ikkje er bestemt lønsplassering for stillinga.

Formannskapet har vurdert avlønning for stillinga ut i frå tilsvarande stillingar i Rennesøy, Finnøy, Hjelmeland, Kvitsøy og Utsira kommunar, og vedtok i møte den 29. april å tilrå ovafor kommunestyret at stillinga som leiar av hovedbiblioteket blir endra til biblioteksjef frå 1. januar 1988.

Stillinga vart fastsatt løna i ltr. 20.

Kommunestyret vedtok i møte den 3. mai samrøystes formannskapet si tilråding.



Kommunehelsetjenesten + Statens helseundersøkelser

= PAR i HJERTER

Sammen i kampen mot hjerte-karsykdommene



**Statens
helseundersøkelser**

Postboks 8155 Dep., 0033 Oslo 1. Tlf. (02) 20 76 55

NÆRINGSPLAN for Bokn

Bokn formannskap vedtok i møte den 8.juni å oppnemna eit arbeidsutval på 3 personar pluss næringskonsulent for å få utarbeidd ein næringsplan for kommunen. Formannskapet skal vera styringsgruppe og skal haldast orientert om arbeidet.

REGIONHAMN på Austre Bokn?

Bokn formannskap behandla i møte den 8.juni spørsmålet om å marknadsføra Bokn som plasseringsalternativ for regionhamn i Nord-Rogaland.Området på den nord/austlege sida av Austre Bokn kan høva godt til dette føremålet.Med Kyststamvegen ferdig ligg dette området fint til rette med kort avstand til dei større folkerike områda i regionen.

Bokn formannskap gjorde vedtak om å prioritera arbeidet med å presentera Bokn som eit alternativ for lokalisering av regionhamn. En presentasjonsbrosjyre må stå ferdig ca. 1.august 1988.

Bokn kommune får ARBEIDSGJEVAR- ANSVAR FOR FISKERIVETERINÆR.

Bokn kommunestyre vedtok den 3.mai at Bokn kommune skal påta seg arbeidsgjevaransvar for ei fiskeriveterinærordning for fiskeoppdrettarar i Bokn,Karmøy,Haugesund og Karmøy.Arbeidsgjevaransvaret skal ikkje medføra utgifter for Bokn kommune,då ein forutset at dei oppdrettarane som knyter seg til ordninga skal refundera utgiftene.

Den endelege avtalen skal vedtas av Bokn kommunestyre.

BOKN BARNEHAGE

HAR I AR TATT INN ALLE SOM SØKTE

Alle søkjarane har fått plass ved Bokn Barnehage,opplyser styrar Tove Steingildra.

Etter at nokre har gjort om på sine ynskje,har det laga seg slik at ingen er avviste. Det er nå heitt fullt belegg ved barnehagen.


HARFIXEN STUDIO SOMMERFERIE

Vi stenger salongen de to første ukene av juli.

Alle kundene våre ønskes en riktig god sommer.

ANITA og MONA





BOKN KOMMUNE

4290 FØRESVIK

UTBETRINGSSTILSKOT OG LÅN 1988

IKKJE BEHOVSPRØVING PÅ UTBETRINGSLÅN

Ein viser til fullstendig kunngjering i Bokn Bygdeblad nr.5. Det står der at ordninga er behovsprøvd.

Dette er rett når det gjeld tilskot - men utbetningslån er ikkje behovsprøvd.

Søknadsfrist for lån og tilskot er 15. juli 1988.

LEDIG STILLING

BIBLIOTEKSJEF - DELTIDSSTILLING

Frå 6. september 1988 vert det ledig ei deltidstilling som biblioteksjef i Bokn kommune. Stillinga utgjer i dag 11,4 t. pr. veke, og av dette er opningstid 3 timar 2 dagar i veka.

Ny organisasjonsplan er under utarbeiding, og utviding av arbeidstid og nye arbeidsoppgåver innan kultursektoren kan bli aktuelt. Det krevs fagutdanning som bibliotekar.

Stillinga er løna i ltr. 20. Tilsetjinga skjer på dei vilkår som går fram av gjeldande lover, reglement og tariffavtalar.

Nærare opplysningar om stillinga får ein ved å venda seg til sekretæren i kulturstyret Reidar Alvestad eller rådmann Jan Erik Nygaard tlf. (04) 74 85 00.

Søknadsfrist sendes Administrasjonsutvalet i Bokn, 4290 Føresvik.

Søknadsfrist: 25. juli 1988.

KUNNGJØRING

BOKN KOMMUNE FORSLAG TIL REGULERINGSPLAN FOR HYTTEBEBYGGELSE

Bokn bygningsråd har i møte den 8. juni vedtatt å legge forslag til reguleringsplan for gnr.10 bnr.2 ut til offentlig ettersyn i tida 15. juni til 13. juli.

Området, som er beliggende ved Sandvatn i Borgenvik, omfatter i alt 15 hyttetomter med tilhørende parkeringsplass.

Planen er utlagt til offentlig ettersyn på Boknatun og eventuelle merknader må være sendt Bokn bygningsråd innen den 13. juli 1988.

Bokn bygningsråd

LEDIG STILLING SOM REINHALDSASSISTENT

Stilling som reinhaldsassistent i Kombibygget er ledig frå 1. august 1988.

Arbeidstid pr. veke vil bli 12,5 timar.

Stillinga lønes etter dei til ei kvar tid gjeldande tariffar og overenskomstar.

Bokn kommune vil gjerne skape trivelege arbeidsforhold for alle tilsette og ser gjerne at arbeidet blir utført på dagtid i den utstrekning dette er praktisk muleg.

Nærare opplysningar om vaskeareal kan fås ved henvendelse til formannskapskontoret.

Søknaden må vera sendt formannskapskontoret innan 10. juli 1988.

LEGE I FERIE

Legekontoret har ferieavvikling i tida 27.juni til 15.august.

I denne tida er det lege på kontoret:

tirsdag 5.juli

fredag 22.juli

fredag 5.august

HELSESTASJONEN

Helsesøster har ferie frå 27.06 til og med 17.07.

BOKN BYGDEMUSEUM

Opningstider:

Kvar søndag frå den 12.juni og ut august kl.15.00 - kl.18.00.

Dersom nokon har lyst å gå i museet utanom opningstida, må dei venda seg til Målfrid Kro Trosvåg tlf. 74 83 55.

GIROGEBYR I SR-BANK BOKN.

Frå 1. juni er girogebyra (same satsar for bank- og postgiro) endra slik at dei ferdig utfylte giroane (inkludert kontonummer og avsændars signatur) vert billegare, andre noko dyrare.

Ferdig utfylte giroar	Kr. 2,-
Kontant betalte	" 5,-
Utan mottakers kontonummer	" 10,-
Interne giroar/overfer. i SR-BANK Bokn	" 0,-
Øvrige giroar (heilt eller delvis utfylte av personalet)	" 5,-
Samlegiro (maks 30 stk)	" 25,-

For dei det ikkje hever å møte i banken med giroane, vil vi anbefala SR-BETALINGSKONVOLUTT (Denne er ferdig adressert til banken og kan sendast ufrankert.)

På grunn av postgangen vil vi minna om at giroar må leverast i banken før kl 14.00 for å koma vidare med dagens post.

SR-BANK Bokn